

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10), razmatrajući prijedlog Kluba vijećnika DF-a u Općinskom vijeću Vareš za Program rada Skupštine Zeničko-dobojskog kantona za 2019. godinu, na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona na 175. sjednici, održanoj dana 11.01.2019. godine, d o n o s i

ZAKLJUČAK

I.

Prihvata se Mišljenje Ministarstva za obrazovanje, nauku, kulturu i sport o prijedlogu Kluba vijećnika DF-a u Općinskom vijeću Vareš pod rednim brojem 10. od 05.12.2018. godine za Program rada Skupštine Zeničko-dobojskog kantona za 2019. godinu.

II.

Zaključak stupa na snagu danom donošenja.

PREMIJER

Miralem Galijašević

Broj: 02-_____/19.

Datum, 11.01.2019. godine.

Z e n i c a

DOSTAVLJENO:

1x Ministarstvu za obrazovanje, nauku, kulturu i sport,

1x Stručna služba Skupštine,

1x a/a.

U vezi s aktom Stručne službe Skupštine Kantona, broj: 01/34-15965-17/18., od 14.12.2018. godine, u dijelu koji se odnosio na podnesenu inicijativu Općinskog vijeća Vareš, podnesenu predsjedavajućem Skupštine za donošenje *Programa rada Skupštine Kantona za 2019. godinu*, a vezano za sugestije Kluba vijećnika DF-a u Općinskom vijeću Vareš i koje se odnose na oblast obrazovanja, resorno ministarstvo daje sljedeće:

MIŠLJENJE

Kada je u pitanju inicijativa Kluba vijećnika DF-a u Općinskom vijeću Vareš naglašavamo da Ministarstvo za obrazovanje, nauku, kulturu i sport u sklopu svojih redovnih aktivnosti, između ostaloga, prati stanje u oblasti obrazovanja i iznalazi najpovoljnije modele podrške razvoju sektora obrazovanja na području Zeničko-dobojskog kantona s ciljem povećanja zapošljivosti građana Zeničko-dobojskog kantona. S tim u vezi, predmetna inicijativa prvenstveno se odnosi na redovne aktivnosti Ministarstva za obrazovanje, nauku, kulturu i sport, odnosno Sektora za obrazovanje, u skladu sa zakonima iz oblasti obrazovanja, prati stanje i iznalazi najpovoljnija rješenja za funkcioniranje sistema obrazovanja na području Zeničko-dobojskog kantona. Zakonom o srednjoj školi i Zakonom o obrazovanju odraslih omogućeno je donošenje Plana obrazovanja odraslih, odobravanje programa za obrazovanja odraslih, formiranje savjetodavih tripartitnih vijeća, kao i ulazak u proces prilagođavanja potrebama tržišta rada, kroz cjeloživotno učenje, a u cilju sticanja potrebnih kompetencija i lakšem sticanju statusa zaposlenih radnika.


Ujedno napominjemo i činjenicu da su od strane Vlade i Skupštine Zeničko-dobojskog kantona predviđena značajna finansijska sredstva za obrazovanje odraslih na nivou osnovne škole.

Stoga, a imajuću u vidu naprijed navedeno činjenično-pravno stanje, resorno ministarstvo zauzelo je stajalište da nema osnove za pokretanjem dodatnih aktivnosti u segmentu obrazovanja za sticanje zapošljavanja i jeftinijeg pokretanja vlastitog biznisa.

Dostavljeno:

1x Stručna služba Vlade

2x a/a-03.



A